

## RC TE'N LST BEHLAP CIH THU

Catholic Pawlpi in cikmah hunin Laisiangtho behlap ngeilo hi.

i) Catholic Pawlpi in Laisiangtho akipsak ahi zaw hi. Laisiangtho ii nu ahihi.

a) St Athanasius in Laisiangtho Thak ahi 27 (Mate pan Mang muhna dong) pen Laisiangtho hi (Pasian Kammal taktak hi) ci in hongkipsak masa ahihi. Tua in AD 367 kum ahihi.

b) Tua LST<sup>6</sup> Thak 27 pen AD 393 in, St Augustine in Hippo Khua Siadawpate Meetingpi ah athak in hongkipsak thuah hi. Tua Hippo khua Siadawte Meeting pan in, LST Thak 27 leh LST Lui 46 pen Pasian kammal ahihi, Laisiangtho taktak hi ci in hongkipsak uhhi.

c) AD 417 kum in Pope Innocent I in tua LST (Alui 46 + Athak 27) pen Pasian Kammal Laisiangtho taktak hi ci-in, hongkipsak a, tua nipan kipan Christiante in, LST ciantak in aki nei pan ahihi. Banghanghiam cih leh tua hun laitak in LST minpua tampi tak oma, koi in LST taktak hidinga, koizaw pen LST hilo ciding cihpen Pawlpi in nasia tak in hanciam in hongkhenkhia ahihi.

d) AD 419 ciangin, Carthage khua ah Siadawpi te Meeting pan in, Tua LST alui (46) leh a thak (27) pen kuamah in sim mawhlo in, Christiante nuntakna hongpia Pasian Kammal Laisiangtho ahihna athak in hongtangko leuleu hi.

e) 1214 leh 1228 kum te in Cardinal Stephen Longton in LST akhan lian, akhanneu hongkhen silsial sakin, tu in, akhan lian, akhanneu ci in, RC te bek hilo, Sanggam Christian te inzong zatnop sa mahmah uhhi. Tua hun lai tak in Stephen Longton pen Siampi hi lai hi. (Cardinal suaknai lo hi.)

---

<sup>6</sup> LST cihna in, Laisiangtho cihna hi in, tomlakna bek hi.

f) 1440 kum ciangin, John Gutenberg Press pan in Leitungah amasa pen Catholic Lai siangtho hongki thohkhia ta hi. Tua in Leitungah akithohkhia masa Laibu zong ahihi. Tua hun ma in, LST bu cih genloh in, Christian pawl tuamtuum , leh pawlpi tuamtuum cihzong aom nailo ahi hi.

h) 1528 ciangin, Fr Parguni (a dominican priest) leh Robert Stephanus (Printer sempa) te in LST akhan lian, akhan neu pen hongpuahpha to kik uhhi.

i) 1522-1534 kum ciangin, Martin Luther in Hebrew Lai siangtho pan in, German pau tawh LST hongletkhia hi. Tua Martin Luther in Lai siangtho hongletkhia ma in, RC pawlpi in, LST pen 626 vei na thohkhia khinta hi.

j) AD 1551 ciangin, Esteinn in Lungdamna LST (Gospel LST liteng) pen akhanlian akhanneu hoihpha tak in hongkhensak kik hi.

Atom in genleng, AD 400 pan AD 1440 ciangdongpen, LST alui 46 hi in athak 27 hi a, avek a gawm 73 hi in, tua in tulai taka, Catholic pawlpi te ii i neih i zat Lai siangtho ahihi.

Martin Luther apaihkhia LST te:

- i) James Laikhak (The Epistle of James)
- ii) Jude (Judah) Laikhak (The Epistle of Jude)
- iii) Peter Laikhak Nihna (2nd Epistle of Peter)
- iv) John Laikhak nihna leh thumna (2nd and 3rd Epistles of John)
- v) Hebrew Lai siangtho (the Epistle to the Hebrews)

Lai siangtho Luipan, apaihkhia teng:

- i) Ecclesiasticus
- ii) Job

John Calvin paihkhia LST te:

- 1) Baruch
- 2) Tobias
- 3) Judith

- 4) Wisdom (Wisdom of Solomon) Pilna Laisiangtho
- 5) Ecclesiasticus (Sirach)
- 6) Macchabees Masa
- 7) Macchabees Nihna
- 8) Esther Laisiangtho

Hih John Calvin paihkhiat tengpen tuni dongciang Pawldangte ii LST busungah omlo ahih man in, Pawldangte in RC te in LST behlap hongci ahihi. Ahi zongin, Thuthei Lathei, Laisiangtho lam pilna sangnei te tuabangin mawkpau nawnlo uhhi. Tulai taka akizang Kawllaisiangtho leh Tedim pautawh akigelh Laisiangtho bute ah hih LST te kihello hi. Tu laitak in ei Kalay Diocese in Tedim pau tawh Laisiangtho **Catholic Version in Tedim** i han ciansan laitak hi-in, asawtlo in, acingtak in Tedim pautawh i nei thei tading hi.

Note:

*Hih kalai at in, kalawm Sum Mang (Houston, TX, USA) ii hongdotna te tungtawnin kadawnkikna ahihi.*